

Beson de Tsalande = Baiser de Noël (traduction)

Autor(en): **Fipsou**

Objektyp: **Article**

Zeitschrift: **L'ami du patois : trimestriel romand**

Band (Jahr): **14 (1986)**

Heft 52

PDF erstellt am: **11.07.2024**

Persistenter Link: <https://doi.org/10.5169/seals-241541>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern. Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden. Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

totchè la terra dè vann.

Tottè lè piécè tchèjouyé avoué la fâcé dè damonn lè chirann ö bènéfécio dô tériö, lè j—âtrè piécè chirann rèpojéyé chöc lo quarti è tozor avoué la péglâ damonn. Hlö qué manquavonn lo quarti contavonn lachiè pacha to lè j—âtro è attèndrè qué rèvégnè chong torr.

Hléc zoua chè zöyèvé chöc öna plouaché dö vélazo, féing-namèn damonn l'éyéjé è tozor pèr öna démeingzé, apré mièzor.

Yo mè chovégno qu'öng cö lé paré l'âyè gagna trènta sanntimè, to conntèn, avoué chèn l'âyè proc por atsetta öng kilo dè socro.

No veyeing pamé hlö zoua, dammazo, lann pacha commè lo föng dè la borgné cheing connta tann d'âtro, ché, dérè-mè ché ora no va mioss, lè plouijec chonn pamé lè mèmò, mé d'arzèn ma imoing dè bonhör.

Armeing Ponn

BESON DE TSALANDE

Lo reto de Tsalande, por mè, l'è quemeint on vesadzo lerdzi et soreseint que revin mè dere que la vya è balla quand on s'ame.

Que ne sèyo restâ lé, yô zu amâ prî de l'Alpe blyantse et dâo sapin vè. De cein lâi a bin ceint an. Maiü, que viquessâi lé yô côle la Nâirîguie ètâi malado dâi pormon. Po guièrî, dèvessâi allâ dein la montagne; dan, l'a quittâ lo permanèint niolan que va dâo Trontset à Tsatelan.

L'è avoué doû tsevau applyèyî à'na ludze que l'è arrevâ à l'Hotè dâo Sapin Vè pè lè Mossè. Ti lè dzo et quasu tot lo dzo, l'îre dèfro la nâi. On yadzo, l'a yu 'na galèza brônna, asse granta que li, âi get quemet lo ciè dâo Dzorât aprî lo dzoran, s-n-amablya vouè, son sorire se dâo, sa petita botse, son meinton poueintu, sè manâirè, l'ant fé que noûtron Dzorâtâi crâyé revèrè sa cousena Lina de pè Monprèvâre einlèvâie per dâi z'andzè dâo Bon-Dieu, adan que l'avâi 20 an.

Du clli dzo, tot rêmouâ de sta reincontre, n'a pas tsaussemâillî, l'a invitâ sta grachâosa po onna veryâ ein ski dè côute lo Mont Tsausy. Quinta biautâ que clliâo montahnè po Lucette que vegnâi du la Normandie. Clliâo tsanp dè nâi, rovilyeint: dèso on ormounein sèlâo, et pu Maiü, vè que l'avâi ètâ quemet tsanpâie. L'amoû, dein doû tieu, tsantâve.

Ai z'einveron de Tsalande, lo pére de Lucette ètâi pè l'èpetau d'Alyo po'na vesita câ, du la moo de sa dâoça et bouna fènnâ, la mère de Lucette, l'avâi rîdo dè peinna à sè rapicolâ. L'è po cein que vivessâi pè la montagne avoué sa felye.

Dinse tot solet, noûtrè dzouvenè l'ant dècidâ d'atsetâ on petit sapin po bin fitâ lâo premî tsalande. Peindeint que Lucette potadzîve, Maiü attatsîve dâi beliet eintremî lè garnitourè, lè tsandèlè et lè fî de sîa.

- Qu'è-te que cliiâo beliet dèmande Lucette.
- L'è on dju, tsacon sè dâi d'ein preindre ion et fére cein que l'è écrit.
- Que vâitcé on dju pas quemet l'é z'autrè. Prenîde z'ein ion vo lo premî . Maiü l'a prê on beliet et l'a lyé : I dâivo vo z'einbransî...
- Dinse sein permechon, so repond Lucette.
- Prenîde z'ein ion, vo assebin, et liède; l'ètâi écrit : I dâivo vo z'einbransî ! Su ti lè beliet la mîma tsousa. L'ant bin risu, medzî et bu.

Reintrâ à l'hotè dâo Sapin Vè, Maiü l'a écrit dein son lâivro : Mè pèsè ein li et li sè pèsè ein mè. Quand on dèvese de bounheu, quand on lo cheint quemet ein clii dzo de Tsalande, l'è que dza l'è parti, cein que reste, l'è lo rassovenî que soveint no fâ à souffrî.

Mâ, la tchance l'a sorî à Maiü. Lucette lâi a fè tot son bounheu, d'aboo mé que l'âi de la montagne po lo guièrî, pu, l'a su dèvesâ à son pére po sè mariâ à li, câ lâi tagnâi à son Dzorâtâi que desâi nonanta ein plyèce de quatre veint dyî. Noûtron bounheu, no faut lo fére no-mîmo sè deseint te.

De reto du l'èpetau, quand l'a z'u yû lo sapin et oyû s-n-adoräie felye, monsu Tsarlo Portset dè Gremau dâi Mossè l'a fé à venî Maiü dâo Sapin Vè tant qu'à li. Maiü, sein pouâire, avoué bouna concheince l'é sè einmodâ. Quand Lucette l'a apèçu, su la seinda, l'a z'u couâte de corre tant qu'à li.

Lâi a tot racontâ de cein que s'étâi passâ eintre li et son pére et que sarî d'accoo po lâo fermalye sti Bounan. L'ant pas z'u falta de terî on beliet po ousâ s'einbransî.

Dein lo pâilo la boun'oudeu dâo sapin aidyîve à dèvesâ. Lè doû z'homme l'ant z'u lezi de sè fére à cougnâitre. Le sapin fu rallumâ le pére Portset l'a mè la man de sa felye dein stasse de Maiü et l'a de : Ora pu mourî treinquillo et sein couson po Lucette. Te l'a balyo Maiü, sèyî bènî et atsivo.

Lè z'einfant de leu z'einfant betant dâi beliet âo sapin de tsalande, ein rassovenî de cliiâo doû vravè, qu'on béson de Tsalande avâi unî.

Fipsou

BAISER DE NOEL (traduction)

Le retour de Noël, pour moi, c'est comme un visage léger et souriant qui revient me dire que la vie est belle quand on s'aime.

Que ne suis-je resté là où j'ai été aimé; près de l'Alpe blanche et du sapin vert. Il y a bien cent ans de cela, Maiü qui vivait où coule la Nâirîguie, était malade de la poitrine (poumon). Pour guérir il devait aller à la montagne, quitter le permanent brouillard s'étendant du Tronchet en Chatelan.

C'est avec deux chevaux attelés à une luge qu'il est arrivé à l'hôtel

du Sapin Vert aux Mosses. Tous les jours et tout le jour, il était dehors dans la neige. Une fois il vit une jolie brune, aussi grande que lui, aux yeux comme le ciel du Jorat après le Joran., son aimable voix, son doux sourire, sa petite bouche, son menton pointu, ses manières, lui rappelant sa cousine Lina de Montpreveyres enlevée par des anges du Bon-Dieu alors qu'elle avait vingt ans. Depuis ce jour, tout remué par cette rencontre, sans hésitation il invita cette gracieuse pour une virée en skis du côté du Mont Chaussy.

Quelle beauté que ces montagnes pour Lucette qui venait de la Normandie. Ces champs de neige étincellants sous le soleil des Ormonts et puis Maiü vers qui elle avait été comme poussée. L'amour dans deux coeurs chantait.

Autour de Noël, le père de Lucette était à l'hôpital d'Aigle pour une visite, car depuis la mort de sa douce et bonne femme, la maman de Lucette, il avait beaucoup de peine à surmonter cette épreuve, le pourquoi il était à la montagne avec sa fille adorée.

Ainsi seuls ils décidèrent d'acheter un petit sapin pour bien fêter leur premier Noël. Pendant que Lucette cuisinait, Maiü attachait des billets entre les garnitures, les bougies et les fils de soie.

– Qu'est-ce que ces billets ? demande Lucette.

– C'est un jeu, chacun doit prendre un billet et faire se qui est écrit.

– Que voici un jeu pas comme les autres, prenez-en un, vous le premier. Maiü en prit un et lut: Je dois vous embrasser.

– Comme ça, sans permission, répond Lucette.

– Prenez-en un, vous aussi et lisez. Il était écrit : Je dois vous embrasser. Sur tous les billets la même chose. Ils ont bien ri, mangé et bu.

Rentré à l'hôtel du Sapin Vert, il a écrit dans son livre : je me perdais en elle et elle se perdait en moi. Quand on parle de bonheur, quand on le sent comme en ce jour de Noël, c'est que déjà il est parti, il n'en reste que le souvenir qui souvent nous fait souffrir.

Mais la chance sourit à Maiü, Lucette lui a fait tout son bonheur. D'abord, elle fut pour lui plus que l'air des montagnes pour le guérir, puis elle a su parler à son père pour se marier, car elle y tenait à son Joratois qui disait nonanta en place de quatre vingt dix. Notre bonheur nous devons le faire nous même, disaient-ils.

De retour de l'hôpital, après avoir vu le sapin et entendu sa fille, monsieur Porchet de Gremau des Mosses fit venir Maiü du Sapin Vert jusqu'à lui. Sans peur et sans reproches Maiü se mit en route. Quand Lucette l'aperçut sur le sentier, elle s'empressa de courir à sa rencontre et de tout lui raconter de son entretien avec son père qui serait d'accord pour leurs fiançailles à ce Nouvel-An.

Dans la chambre, la bonne odeur du sapin, aida la conversation. Les deux hommes eurent le temps d'apprendre à se connaître. On ralluma le sapin. Le père Porchet mit la main de sa fille dans celle de

Maiü et dit :

— Maintenant, je peux mourir sans soucis pour Lucette. Je te la donne Maiü, soyez bénis et atsivo.

Les enfants de leurs enfants mettent des billets au sapin de Noël en souvenir de ces deux bons vieux qu'un baiser de Noël avait unis.

Cè Barradzô...

L'arait d've l'tad ; l'yeux Dzosé qu'avait travazha tottâ la dzornivâ, dis qu'avait s'pau s'ein allavê fairê on to devant d'allâ dermain.

L'arait tot shâ, pàs na gnolâ ein l'ai ; märtchaivê amont pè'on dolaint ion-net qu'zigzagavê pèrmié l'hèrbâ, tant qu'us-sè arrevau su on mœtet di yo on pouavê vè tottâ la vallée.

Ho, l'arait na dolaintâ vallée a pou prés a dous mille métrôs, mais l'yeux Dzosé l'amavê bain, cmmn tuis cheux qu'habitavânt intche.

S'est assétau su na gœrgnâ et s'est plantau a s'conserâ. Conseravê qu'dins on mas é dous interdérnt d'fairê cé barradzô ; qu'dins on an é dous tot l'velladzô sarait dezo l'éwê ; qu'cé bravô dolaint vallon sarait pàs-may qu'on laiq ! Nour'hommô serravê lous poings d'la mœsa.

Cé hotteau yo-l'est qu'l'ha yu l'dzo, tchernérait pàs-may vè l'solé ; cé lasc yo l'avait itau baptaia, yo l'avait cœmœnya, yo l'avait itau mariaü, la faront sentâ devant qu's'eimplaié d'éwê ; cès shotsê qu'djieuustamein vorâ interdônt de s'nnâ les maria, les amassérnt.

Tuis cheux prauts yo-l'est qu'recœzhavê tuis lous ans dis qu'l'arait tot ganmn, yo l'est qu'vôrâ ouzhavê lous sailleux qu'molavânt lieus faulx, lous

grillons qu'tsantavânt, et pa cé dolaint reshô tadô qu'fassavê plaier lous fetus. Tuis cheux prauts, cheux tsamps qu'des générachons l'avânt arrosau ein suâ, quad l'arait pàs awé lieu sing on yadzô po lous défeindrê, tot cin sarait pàs-may habitau sna p'des crapauds et d'les renauzhê, quad l'éwê sarait bæssâ on verrait pàs-may sna deu pacot.

Ha nâ ! l'pourrô yeux povavê pàs l'craré, bain surô paiéront tot cin, mais cin se paiê-t-eu ? nâ ! cin se paiê pàs. l'est pàs awé lieu misérablô ardzeint qu'porront reimplajhier cin. Cheux qu'l'hant d'ardzeint se musônt-eux qu'l'hant l'drat d'fairê n'importê qué ?

Ein s'conserâ dainse nourôn yeux interdavâ d'itrê aténau, porquê, porquê tot cin ? qu's'démandavê ; por qu'les dzein de la vellâ, qu'vivônt dza gazhè miex qu'nos pussânt ava onco d'euplô de confot, qu'pussânt s'atséta na machinâ électrique d'euplô.

Avisônt rein sna de gagner d'larzeint, d'ardzeint ; nos faudrait fœilli nourôn velladzet por qu'on dirécteu é dous et quâques industriels et akchenairôs pussânt tchandger d'auto, s'ein atséta na ple groussâ.

L'arait d'abad fèrmâ noét quad l'yeux Dzosé l'est arrevau vè l'hotteau ; l'est allan se dzè l'cœu grous.

Maurice Défago.